



Universitätsbibliothek Paderborn

**Diatribai De Primis Veteris Frisiae Apostolis, Sive
Dissertationes, quibus eoru[m] anni, actus, res,
personae, loca, tempora in eorundem actis occurrentia,
discutiuntur, illustrantur, erroresque ab ...**

Bosschaerts, Willibrord

Mechliniae, 1650

Appendix. Cur S. Willibrordus magis elegerit sepeliri Epternaci, quam
Vltraiecti, aut in sua Dioecesi.

urn:nbn:de:hbz:466:1-10958

APPENDIX.

Cur S. Willibrordus magis ele-
gerit sepeliri Epternaci,
quam Ultraiecti, aut
in sua Dioecesi.



Vamuis de loco, vbi communem humano generi fatalem metam attigit, sit discors Authorum Scriptio, attamen conueniunt omnes Epternaci esse sepultum, iuxta quod ipse met testamentarijs tabulis valens viuensque disposuerat.

Nunc querimus, cur maluerit sepeliri Epternaci in extremo Lutzenburgij, loco à sede sua adeo distante, quam Ultraiecti in Ecclesia, quam sibi despousauerat, inter concreditas oues, quas pauerat, inter socios quos inibi congregauerat, quibuscum semper vixerat.

Ad hoc respondit mihi aliquando priuatus amicus, eo quod Willibrordus esset in instituti Benedictini, & eiusdem instituti Epternacenses ab ipso fundati, ideoque elegisse quiescere inter suæ professionis viros, non Ultraiecti, vbi talis professionis nondum erant: ab ijs magis sperasse continuas & stabiles orationes, quam ab alijs. Verum quia sentio Willibrordum non fuisse Benedictinum, nec Epternacum, dum Willibrordus migraret, fuisse Benedictinum,

etinum, illa responsio mihi non satisfacit. Pendet quidem hoc ex mera voluntate sepulturam eligentis, atamen mihi insuper occurrit haec causa: Quod status Ultraiectinæ Ecclesiæ e moriente nondum omnino firmus, multis perturbationibus maneret obnoxius propter duræ Frisiorum corda, quorum plurimi ad fidem nondum erant reducti, plurimi conuersi ad antiquas superstitiones respiciebant, ad nouitates & rebelliones inclinabant. Radbodi successores odium in religionem & Franciæ Proceres non facile videbantur deposituri. Expertus simile fuerat in vita S. Willibrordus; euentus docuit quando, eo defuncto, D. Bonifacius cernens Frisiorum animos deficere & plurimos in Idololatria etiamnum obsordecere, eo festinauit, ac eorum saluti curandæ intentus ab impijs cum 50. socijs est trucidatus. Itaque tam in condendo testamento viuens valensque, quam moriens, consultius elegit corpus suum reponi in loco tutiori & ab incursione Barbarorum remotiori, quale erat Epternacum. Præterea videtur animo præ sagissæ Nortmannorum excursions & ferocias, quæ non longe ab eius discessu cœnerunt; quibus factum est ut Ecclesia Ultraiectensis & Dicecensis in sacris & prophanis summam pertulerint deuastationem, in qua nec eius, nec aliorum sepulchris fuisset parcitum; ideoque non sine cœlesti directione prælegisse locum tali vastationi minus subiectum. Et certè ita optime diuina prouidentia ordinavit cum alijs forsitan sacro pignore careremus, à Barbarie fuisset attactum, dispersum, obliuione apud posteros sepultum. Ac multò magis nunc diuinam dispositionem prædicare habemus, quod non solum ab Ethniconrum furijs, sed etiam à tempestuoso Caluinistarum furore Ultraiecto discedere voluerit, qui nostro sæculo in Religionem & Principes

D d d 2

suos

DE PRIMIS VETERIS FRISIAE APOSTOLIS
 suos tumultuantes, Hagiomachiam & Lipsanomachiam ex professo instituerunt, in Sanctorum imagines, in Sanctorum cineres prophana arma verterunt; eos in cloacas proijcere, in ventos dispergere, in nouos prophanos cineres redigere inter primas curas sumpserunt, quæ mala euasit S. Willibrordus Epternacum certioris quietis cubile sibi decernendo.

D I S S E R T A T I O C L.

Quisnam successerit S. Willibrordo in Episcopatu? An Bonifacius? An is Episcopus siue Archiepiscopus Ultraiectensis proprius fuerit?



Oannes Becanus in Bonifacio ait, Bonifacium postquam Willibrordus ab huius saeculi incolatu transmigrasset, consentiente Carolomanno & substituto sibi Moguntiae Lullo Ecclesiæ Ultraiectensem gubernandam accepisse eumque secundum Episcopum Ultraiectensem numerat. Heda etiam cum secundum in numero Episcoporum Ultraiectensium collocat. Item Suffridus Petri in Appendix ad Beçanum. Adrianus Barlandus in Catalogo Episcop. Ultraiectensium dicit à morte Willibrordi Bonifacium Ecclesiæ Ultraiectensi præfuisse. Gerardus Nouiomagus in suo Catalogo, Bonifacius post Willibrordi